

## ADASA NDZINOA HO DAWURBO

### NYIENYIM

Onam de adasa hon enyimnyam ye per na ndzinoa a obi nngye mmfi hon nsamu a wowa no nyetomu nye wiadze yi mu fahodzi, perperdzi, ntsentsenenee na asomdwee ne fapem;

Onam de tsia a yetsiatsia nyimpa ne ndzinoa do no dze ewurkadze nwenwen a obiara tsia aba, na afei so wabɔ wiadze a ɔreba a no mu nyimpa benya fahodzi wo kasa, gyedzi, suro na ohia ho dawur de nyimpapem nyina hon ahwehwedze tsitsir,

Onam de ohia perepere de yemmpɛ de yeye adasa ndzinoa ho mbra,

Onam de ohia de wotu aman na aman ntamu anyenkoyɛ nkitahodzi mpon,

Onam de Amanaman Nkabɔmu Kuw mu nyimpa nyina edua Farbaa Nwoma no do agye hon gyedzi a ɔwo adasa awose ndzinoa, nyimpa n'enyimnyam na nyimpa no bo a ɔsom, na mbanyin na mbaa hon ndzinoa a ɔye per ato mu na wabɔ hon enyim biriw de wobotu asetsena mu kankɔ na atseyie mpon,

Onam de aman a wɔdɔm Amanaman Nkabɔmu Kuw no abɔ ɔdabaa de wɔnye Kuw no beyɛ ahwehwɛ amansuon nyina enyiedzi ama adasa ndzinoa na awose fahodzi ntsi.

## KUW NO BAGUA KESE NO

Paa mu kã de:

Afei,

NHYIAMU KESE NO YI ADASA NDZINOA HO DAWURBO no kyere de: ɔno nye nhwhɛdodze tsitsir a ɔwo ho ma nyimpa na aman nyina, ama ankorankor biara na nyimpa kuw biara, sɛ wɔdze dem dawurbo yi si hon enyim a, wɔabɔ mbɔdzen edua nkyere na adzesua do ama nkorɔfo eedzi ndzinoa na fahoazi ahorow no nyi; na wɔaatɔ do afa honara hon man na amanaman nhyehyɛɛ do wɔama wɔagye dawurbo yi ato mu na woedzi do wo Aman a wɔdɔm Nkabɔmu Kuw no mu biara mu nye asaase biara a wɔhyɛ hon ase no so do.

### Asempɔw 1

Wowo adasa nyina to fahodzi mu, na hon nyina ye per wo enyimnyam na ndzinoa mu. Wɔmaa hon nyina adwen na tsibowa, na ɔwo de hon nkitahodzi mu ndzeyɛɛ da no edzi de wɔye enuanom.

### Asempɔw 2

Obiara wo ndizona na fahodzi a wɔada no edzi wo Dawurbo yi mu no ho kwan a nyiyimu biara nnyi mu a ɔfa no obi n'awosu anaa no honamenyi ngyegyee mbɛɛ ɔtse, de ɔye banyin anaa ɔye basia, ne kasaa a ɔkã, ne nyamesom mbɛɛ ɔtse, amanye ho adwen a ɔwo, ne man anaa asetsena mu gyinabew a ofi mu, egyapadze a ɔwo, n'awofo hon gyinabew anaa gyinabew fofor biara so a ɔwo ho.

Bio, onnyi de wogyina oman a obi fi mu no n'amanye kwan, ne mbra anaa n'amanandze gyinabew do-de oman no dzi ne mansin, de ohye oman bi no nhwedo ase, anaade onnyi fahodzi, ye nyiyimu tsia nyimpa no.

#### Asempow 3

Nyimpadua no nkwa, ne fahodzi, na no totrototo ye obiara ne ndzinoa.

#### Asempow 4

Onnyi de wodze obiara to nkowaasom mu anaade woma osom osomhun; owo de wogu nkowaasom na ndonkogua korakora.

#### Asempow 5

Onnyi de woye obiara ayakayakadze, etsiodzendze anaa enyinyandze anaa wotsea no anaa woma no asotwe biara a osee dasanyi n'enyimnyam.

#### Asempow 6

Oye obiara ne ndzinoa de, mbra mu, wobu no de nyimpa wo beebiara.

#### Asempow 7

Nyimpa nyina ye per wo mbra no enyim, na hon nyina fata mbra no ne ntwtiwagye a nyiyimu nnyi mu. Obiara wo ho kwan de mbra no bo no ho ban tsia nyiyimu a obu Dawurbo yi mu nsempow no mu biara do no, nye nunu biara a wonunu nyimpa ma oye ma oye nyiyimu no.

#### Asempow 8

Obiara a woye bon etsia ne ndzinoa a mbra na amambu ho mbra ma no ho kwan no, wo ho kwan de odua asendzi baguafo do gye nsiesie anaa mpata a ofata.

#### Asempow 9

Onnyi de abotsirmu ara wokyer obi, wodze no sie, anaa wotwa no esu.

#### Asempow 10

Obiara wo ho kwan de bagua asendzifo a wonnton hon asowa nndzi tsena hwehwe n'asem mu pefee wo ne ndzinoa, n'asadze anaa ewudzisem ho sombo bi a wodze abo no ho.

#### Asempow 11

Obiara a wabo no sombo bi a odze ntsea nam no wo ndzinoa de wobu no de odzi bem kesi de, woedzi n'asem ama no kwan biara a ohia de odze tstsew no ho, na woebu no fo de mbre mbra kyere.

Onnyi de wobu obiara fo na wotsea no wo ndzeyee bi a onnye ntsea nam ase. Na eso onnyi de woma obi ntsea a obor no mfomdo a oaye no ho ntsea do.

#### Asempow 12

Onnyi de abotsirmu ara wodze cho hyehye obi no kokoamunsem, n'ebusuasem anaa n'efisem mu; anaade wogu n'enyimnyam na ne dzin ho fi. Dye obiara ne ndzinoa de mbra bo no ho ban tsia ndzeyee a otsetse dem yi.

#### Asempow 13

Dye obiara ne ndzinoa de okyinkyin na otsena oman bi n'asaase do bea biara a ope.

Dye obiara ne ndzinoa de ofi oman biara mu (noara ne man ka ho) na osan ba ne man mu bio.

#### Asempow 14

Obiara wo ndzinoa de ohwehwe na onya guansuma wo oman bi do fi atseetsee ho.

Onnyi de dem ndzinoa yi wobisa wo bon bi a ommfa manye ho anaa otsia Amanaman Nkabomu Kuw no ne nhyehyee a onyia no aye ma woridzi n'asem wo ho biara ho.

#### Asempow 15

Obiara wo ndzinoa de dye oman bi ba.

Onnyi de abotsirmu ara woma obi hwer n'amambaye, anaade womma no kwan mma onnsesa n'amambaye.

#### Asempow 16

Dye mbanyin na mbaa a hon enyi efifir hon ndzinoa de wowar na wowo mba, na awosu, amambaye anaa nyamesom nnsiw iyi ho kwan. Mbanyin na mbaa nyina hon ndzinoa a wowo no awar ho no ye per wo awar ber no mu nye awar no ngui no mu so.

Adze ara a wo de awar no gyina do nye asakuw ebien a worowar no hon pe a nhye nnyi mu.

Okun, oyer na mba bo mu kor de abcasee kuw a nyimpa kuw biara ne farbaa fi mu wo adasa mu, na dye hon ndzinoa de nyimpakuw no na oman no bo hon ho ban.

#### Asempow 17

Obiara wo ndzinoa de onya egyapadze a dye no nko nedze, anaade onye nkorofu bi bo mu nya dem egyapadze no.

Onnyi de abotsirmu ara wogyee obi n'egyapadze fi ne nsamu.

#### Asempow 18

Obiara wo ndzinoa de dye n'adwen, osoa noara ne tsibowa, ofa nyamesom biara a ope. Dem ndzinoa yi ne fa bi nye kwan a obiara wo de osesa ne nyamesom anaa ne gyedzi na kwan so a ofa do dze ma ne gyedzi no da edzi wo bagua mu anaa nsumaa mu, de ono nko anaade nyimpa binom ka ho wo iyi mu.

#### Asempow 19

Obiara wɔ ho kwan de ɔkyere n'adwen wɔ biribi ho. Dza ɔkã dem ndzinoa yi ho nye de obiara botum aye n'adwen wɔ biribi ho a ntotoananmu biara nnyi mu. Dza ɔkã ho bio so nye de otum anaa otsie asem nye nsusui biara a ɔnam kwan biara do na efi mbea nyina, na ɔma nyimpa binom so tse.

#### Asempow 20

Obiara wɔ kwan de ɔko nhyiamu a ɔye asomdwee ase, na ɔɔm fekuw biara. Onnyi de wɔhye obiara ma ɔɔm fekuw bi.

#### Asempow 21

ɔye obiara ne ndzinoa de osuo mu ma wobu ne man de ɔnoara dzi bano wɔ mu, anaade obosuo mu ma woeyi ananmusifo.

ɔye obiara ne ndzinoa de onya kyefa wɔ ɔman adɔɔɔdze biara a ɔwɔ ne man mu no mu.

ɔwɔ de aban no tum gyina ɔmamfo hon pe do. Dem pe yi wɔnam ambatow a no mu da ho a wɔtow no ne ber ano do da no edzi, akorɔfo a wɔasɔ ambatow no wɔ de wɔma wɔtow amba wɔ nsumaa mu a nhye biara nnyi mu.

#### Asempow 22

Ankorankor biara, de ɔye ɔmamba bo, wɔ ndzinoa de ɔman no bo n'eyiedzi ho ban. ɔwɔ de wɔfa ɔman no no mɔɔɔzen do, anaa bataboa bi a dem ɔman no nye ɔman fofor bi ye do ma ɔmamba biara n'eyiedzi ba mu de mbre ɔman kor no ne sikasem, n'asetena na n'amambra no tum a ɔma n'enyimnyam dzi mu no tse.

#### Asempow 23

Obiara wɔ ndzinoa de ɔye edwuma. ɔye ne ndzinoa de ɔfa edwuma a ɔpe de ɔye, na ɔye ne ndzinoa de wɔma no edwumaye mu nhyehyee pa, na wɔɔ noho ban fi fietsena ho.

ɔye obiara ne ndzinoa de wɔma no akatua a ɔfata n'edwuma a ɔye a, nyimpa nyiyimu biarannyi mu.

Obiara a ɔye edwuma no wɔ ndzinoa de onya akatua a ɔse na ɔtsen a ɔbema ɔnye n'ebusuafo enya asetsena a ɔfata nyimpa n'enyimnyam, na se ohia mpo a, ɔwɔ de wɔɔɔ asetsena mu nhyehyee ho ekyigyina bi foa akatua no do.

ɔye obiara ne ndzinoa de ɔtsew anaa ɔɔm edwumayefo kuw bi dua do dze bo n'eyiedzi ho ban.

#### Asempow 24

Obiara wɔ ahomgye na bɔɔɔɔdziber ho kyefa; mber a wɔahyehye a ɔmma edwumaye mmbor do, na akwanma ber a wotua odwumayenyi no kaw so kã iyi ho.

#### Asempow 25

Obiara wɔ ndzinoa dɛ ɔnye n'ebusuafo nya asetsena yi mu eyiedzi a ɔbɛma woenya ahodzen nye asetsena pa, edziban, akataho, tsenabew, eduyɛ na asetsena mu nhyehyɛ pa.

Ɔye obiara ne ndzinoa so dɛ, zɛ ɔhwer n'edwuma, ɔyar, onya dzɛmdzi bi, no hokafo wu, mpanyinyɛ ma ɔye mberɛw, anaadɛ biribi ama ma onntum nnhwɛ noho a, onya asetsena mu ekyigyina. Ɔwɔ dɛ mbasiafo a wotur mba na mbofra nyina wɔma hɔn mboa soronko. Mbofra nyina, dɛ wɔwoo hɔn wɔ awar ase, anaadɛ wɔwoo hɔn wɔ sɔnmu, wɔ dɛ wɔma hɔn asetsena mu bambo pɛr.

#### Asempɔw 26

Ɔye obiara ne ndzinoa dɛ ohu nwoma. Mbofraber mu nwomasua na ahyɛse nwomasua a ɔtse dɛm no nnyi dɛ wɔgye ho sika. Ɔye nhyɛ dɛ abofra biara nya mbofraber mu nwomasua. Ɔwɔ dɛ wɔma mfirdwuma, na nsaanodwuma ho adzesua nye dwumadzi horow ho nwomasua yɛ bebereɛ. Suapɔn mu nwomasua so wɔ dɛ ɔye bebereɛ na obiara a no mbɔdzembo fata no wɔma no ho kwan.

Ɔwɔ dɛ nwomasua nyina no botae yɛ dɛ ɔhwehwɛ nyimpa dasanyi no mu nyina no mpontu nye enyidzi kɛse a ɔbɛba nyimpa mu wɔ adasa hɔn ndzinoa ahorow a wɔwɔ no ho. Ɔwɔ dɛ otu ntsease, gyaamu-ma-ɔnka na anyɛnkoyɛ mpon wɔ aman, nyimpakuw na nyamesom ho ekuw nyina mu; na ɔbɔboa atow Amanaman Nkabɔmu Kuw no dwumadzi ako kan dze ama asomdwee eetsim.

Awofo wɔ ndzinoa dɛ wɔbɛkyerɛ nwomasua kor a ɔwɔ dɛ hɔn mba nya.

#### Asempɔw 27

Obiara wɔ ndzinoa dɛ ɔdze noho fora ne man m'amambra mu na onya enyigye fi ɔman no n'amandze nsaanodwuma mu na onya kyɛfa wɔ abɔdze nyansapɛ na mfaso a ɔdze ba no mu so.

Obiara wɔ ndzinoa a ofi abɔdzenyansapɛ, nwomasua anaa amandze, nsaanodwuma adzeyɛ bi a noara dze bɔbɔɔ adze no mu ba no ne bambo no mu.

#### Asempɔw 28

Obiara wɔ ho kwan dɛ onya kyɛfa wɔ asetsena anaa amanaman nhyehyɛɛ a okitsa ndzinoa na fahodzi horow a wɔada no edzi wɔ dɛm Dawurbɔ wɔ Mpaamukã yi mu no mu.

#### Asempɔw 29

Obiara wɔ asodzi wɔ nyimpa kuw a ɔtse hɔn mu no mu; hɔ nko ara nye bea a no mpontu a odzi mu botum aba a akwansiwdze bi nnyi ho.

Ber a obi dze ne ndzinoa na ne fahodzi ridzi dwuma no, ɔwɔ dɛ ɔye dza mbra hwehwɛ wɔ no hɔ ama binom so eenya hɔn kyɛfa nye hɔn fahodzi. Ɔwɔ dɛ onya no bɔ bra tseneneɛ na ɔye guoadzeyɛ dɛ mbɛ ɔdodow amambu mu eyiedzi adzeyɛ ho ntsetsee tse.

Onnyi dɛ wɔfa kwan biara a otsia Amanaman Nkabɔmu Kuw no ne nhyehyɛɛ do dze hwehwɛ ndzinoa na fahodzi ahorow yi.

#### Asempɔw 30

Onnyi dε nyimpa biara ma nkyerεase wɔ Dawurbo yi mu nsem yi ho a ɔbεma  
ɔman, nyimpakuw anaa ankorankor bi tum ma ɔaaye biribi a ɔbεsεε ndzinoa  
na fahodzi ahorow a wɔada no edzi wɔ nwoma yi mu no.